

Arkiv: <arkivID><jplID> FE-033, TI-&00
JournalpostID:
Sakshandsamar:
Dato: 26.10.2023

Saksframlegg

Saksnr.	Utval	Møtedato
154/23	Alver kommunestyre	02.11.2023

Endring av reglement for politisk styringsstruktur

Kommunedirektøren sitt framlegg til vedtak:

Kommunestyret vedtar reglement for politisk styringsstruktur med dei endringar som er lagt fram i saka.

Alver kommunestyre 02.11.2023:

Handsaming:

Framlegg KRF, H, V og FRP:

Kommunestyret vedtar reglement for politisk styringsstruktur med endringane under kulepunkt 3, 4 og 6 som er lagt fram i saka.

Det vert ikkje føreteke endringar i utvalsstrukturen eller oppgåvefordeling mellom utvala. Eventuelle endringar må bli tatt stilling til i samband med evalueringa av politisk styringsstruktur i forkant av kommunestyrevalet 2027.

Framlegget fekk 19 røyster og fall (H,KRF, V og FRP)

Kommunedirektøren sitt framlegg vart vedteke med 23 røyster, mot 19 røyster.

KO- 154/23 Vedtak:

Kommunestyret vedtar reglement for politisk styringsstruktur med dei endringar som er lagt fram i saka.

Politisk handsaming

Saka skal avgjerast i kommunestyret

Saksopplysningar

Bakgrunn og fakta

Gjeldande reglement for politisk styringsstruktur blei vedtatt i kommunestyret 30.03.2023 (Sak 46/23). Reglementet beskriv mellom anna ein utvalstruktur med fire politiske utval med definerte saksområde og mynde:

- Formannskapet
- Utval for levekår
- Utval for areal, plan og miljø
- Utval for næringsvikling og drift

Ved inngangen til ein ny kommunestyreperiode 2023 – 2027 har ordførar bedt kommunedirektør om

å vurdere saksområda til dei ulike utvala, med særleg fokus på saksfeltet til utval for næringsutvikling og drift. Det kan vere behov for å gje dette utvalet eit større og breiare saksfelt, slik at utvalet får fleire saker til handsaming.

Kommunedirektøren si vurdering

Reglement for politisk styringsstruktur er eit dokument som er utarbeida av politisk nivå. Det er politisk nivå som sjølv avgjer korleis dei vil vere organisert. Grunnlaget for gjeldande reglement er utarbeida gjennom ei politisk arbeidsgruppe i 2022 og konkrete politiske vedtak undervegs. Med bakgrunn i bestillinga frå ordførar og dialog med politisk leiing, vil kommunedirektør leggje fram forslag til følgjande endringar i gjeldande reglement.

1) Endre namn til utval for næring, kultur og idrett

I gjeldande reglement er det eit utval for næringsutvikling og drift, med fokus på tilrettelegging for næringsutvikling og kommunen si tekniske drift. Det er kommunedirektøren si vurdering at dette utvalet i førre periode hadde mest fokus på næringsutvikling, og det var relativt få saker knytt til drift. Kommunedirektøren har også registrert at det kan vere behov for å tilføre utvalet eit større og breiare saksområde, for å sikre fleire saker til handsaming.

Ettersom helse, oppvekst og kultur er slått saman til utval for levekår, kan det vere ei mogleg løysing å flytte kultur- og idrettsfeltet frå levekår til næring. Dette vil også passe godt med den administrative organiseringa der næring, kultur og idrett ligg i sektor samfunnsutvikling.

Kommunedirektøren vil også foreslå at drift blir tatt ut frå saksområdet til utval for næringsutvikling og drift. Dette er eit saksområde som naturleg ligg til formannskapet, då dette i stor grad handlar om mål, strategiar og økonomiske rammer til drift og vedlikehald.

Kommunedirektøren vil med dette foreslå å endre utvalsnamnet frå næringsutvikling og drift til ***utval for næring, kultur og idrett***.

Alle saksområda innan kultur- og idrettsfeltet bli flytta frå levekår til det nye utvalet. Det blir foreslått at det nye utvalet skal ha følgjande saksområde: (Gjeldande reglement i venstre kolonne)

Saksområde utval for næringsutvikling og drift (gjeldande reglement)	NYTT: Saksområde for utval for næring, kultur og idrett
Utvalet har normalt møta frå kl. 09:00.	Utvalet har normalt møta frå kl. 09:00.
Val og samansetting Utvalet skal ha 7 medlemmer med varamedlemmer, alle valde av kommunestyret. Medlemmene skal vera medlem av kommunestyret, medan varamedlemmene kan vera vararepresentant til kommunestyret. Kommunestyret vel leiar og nestleiar.	Val og samansetting Utvalet skal ha 7 medlemmer med varamedlemmer, alle valde av kommunestyret. Medlemmene skal vera medlem av kommunestyret, medan varamedlemmene kan vera vararepresentant til kommunestyret. Kommunestyret vel leiar og nestleiar.
Arbeid- og ansvarsområde Utvalet skal, så langt det er relevant, fylgja dei retningslinene som gjeld for kommunestyret, jf. reglement for kommunestyret.	Arbeids- og ansvarsområde Utvalet skal, så langt det er relevant, fylgja dei retningslinene som gjeld for kommunestyret, jf. reglement for kommunestyret.
Utvalet skal koma med innstilling til	

<p>kommunestyret innanfor fylgjande saksområde:</p> <ul style="list-style-type: none"> utarbeide strategisk næringsplan næringsutvikling/næringskontakt reiseliv næringsstomter, saker som ikkje ligg til formannskapet eller utval for areal-, plan og miljø overordna rapportering knytt til mindre byggeprosjekt drift og vedlikehald av kommunal eigedom og anlegg forvaltning veg, vann og avløp landbruk som næring følgje opp strategiar og tiltak i næringsplan-styringsgruppe i utviklingsprosjekt vere styringsgruppe for aktuelle hovudplanar og temaplanar innafor drift, vedlikehald og forvaltning av kommunale eigedomar, anlegg, veg, vatn og avløp følgje opp årlege forvaltnings- og vedlikehaldsplanar <p>Utvalet gjer vedtak innanfor fylgjande saksområde:</p> <ul style="list-style-type: none"> Tildeling av midlar frå næringsfond 	<p>Utvalet skal koma med innstilling til kommunestyret innanfor fylgjande saksområde:</p> <ul style="list-style-type: none"> Næringspolitikk - utarbeide og følgje opp strategisk næringsplan og andre relevante planar og strategiar innan næringsutviklingsområdet. Landbrukspolitikk (Forvaltning etter lovverk ligg til utval for areal, plan og miljø) Bidra med faglege innspel i andre planar som rettar seg mot næringslivet, til dømes kommuneplanen sin arealdel. Samarbeidsavtalar med nærings- og utviklingsaktørar Regional næringsutviklingsarbeid Kultur- og idrettspolitikk – utarbeide og følgje opp kommunedelplan for kultur, idrett og friluftsliv, og andre relevante planar og strategiar innan kultur, idrett og kulturvern. Saker innan barne- og ungdomsarbeid, kulturskule, bibliotek, allment kulturarbeid, kultur- og bygningsvern, kunst, musikk, scenekunst, idrett, spelemidlar, friluftsliv og frivilligheit. Styringsgruppe i utviklingsprosjekt og fagplanar innan ansvarsområdet. <p>Leiar for utvalet skal leie kontaktutvalet for næring (sak.nr. 04/19). Leiar og nestleiar skal delta i dialog med kulturråd og idrettsråd.</p> <p>Utvalet gjer vedtak innanfor fylgjande saksområde:</p> <ul style="list-style-type: none"> Tildeling av midlar frå næringsfond Søknad om tilskot til kulturføremål innanfor vedteke budsjett, jfr. gjeldande kulturlov Saker etter friluftsløva.
---	--

Kommunedirektøren vurderer det slik at desse endringane ikkje vil medføre endringar i godtgjering til utvalsleiar.

2) Born og unge sin talsperson

Etter §3-3 i plan- og bygningslova skal kommunestyret sørge for å etablere ei særskilt ordning for å ivareta born og unge i all planlegging. Intensjonen er at born og unge sine interesser skal bli betre synleggjort og ivaretatt i all plan- og byggesaksbehandling. Kommunedirektøren anbefalar at det blir oppretta ei ordning med born og unge sin talsperson, og at dette blir lagt inn i reglementet for politisk styringsstruktur.

I rettleiar frå kommunal- og distriktsdepartementet «Barn og unge i plan og byggesak», blir det anbefalt at det er ein person som blir peika ut til å ivareta rolla som born og unge sin talsperson, og at talspersonen bør vere tilsett i kommunen sin administrasjon. Det blir anbefalt at talspersonen ikkje er politisk vald.

Talspersonen bør ha barnefagleg kompetanse eller erfaring frå arbeid med born og unge.

Talspersonen skal ha møterett og talerett i alle politiske møte. Politisk nivå kan gje talspersonen forslagsrett, men det er opp til dei folkevalde å handsame forslag som kjem frå talspersonen.

Kommunedirektøren tilrår at talspersonen blir peika ut av administrasjonen, og at kommunedirektør vil orientere kommunestyret når dette er gjennomført. Kommunedirektøren vil også utarbeide ein eigen arbeidsinstruks som blir lagt fram for politisk handsaming.

3) Lønnsfastsetting for kommunedirektør

Det er foreslått å flytte punktet om lønnsfastsetting til kommunedirektør frå formannskapet til kommunestyret i reglementet. Det er kommunestyret som skal nedsette eit forhandlingsutval der ordførar og to andre representantar frå formannskapet er med.

4) Ta bort personleg varamedlem til val av administrasjonsval

I gjeldande reglement står det at medlemmer som er vald inn i administrasjonsutvalet skal ha personleg varamedlem. Rettleiar om konstituerande møte i kommunestyret beskriv at valet skal skje på same måte som for andre utval, altså utan personleg varamedlem.

5) Andre endringar

Kommunedirektøren foreslår at det blir lagt inn følgjande tillegg i utval for areal, plan og miljø (merka gult):

Utvalet gjer vedtak innfor følgjande saksområde, med unntak av saker som etter lova skal handsamast av kommunestyret eller saker av særleg strategisk karakter:

- Saker etter konsesjonslova
- Saker etter jord- og skoglova
- Saker etter viltlov og innlandsfiske lov
- Saker etter plan- og bygningslova:
 - Gjere vedtak om mellombels forbod om tiltak etter §13-1 og §13-3
 - **Handsame planinitiativ etter §12-8**
 - Sende framlegg til planprogram for reguleringsplanar med vesentlege verknader ut på høyring etter §12-9
 - Etc...

Kommunedirektøren si tilråding:

- Utval for næringsutvikling og drift endrar namn til utval for næring, kultur og idrett. Alle saksområde innan kultur- og idrettsfeltet blir flytta frå levekår til næring, kultur og idrett.
- Saksområda innanfor drift blir tatt ut av næring, kultur og idrett. Dette området blir lagt til formannskapet. Det er ikkje gjort endringar i reglementet for formannskapet.
- Born og unge sin talsperson blir lagt inn i reglementet som ei definert rolle.
- Val av forhandlingsutval for lønnsfastsetting for kommunedirektør blir flytta frå formannskapet til kommunestyret.
- Personleg varamedlem for medlemmer i administrasjonsutvalet blir tatt bort.
- Utval for areal, plan og miljø skal handsame planinitiativ etter §12-8 i plan- og bygningslova.

Vedlegg i saken:

26.10.2023	GJELDANDE REGLEMENT_Politisk styringsstruktur og reglement	2010537
26.10.2023	NYTT FRAMLEGG_Politisk styringsstruktur og reglement	2010539
26.10.2023	Rettleiar om barn og unge sine interesser i planlegging	2010540